



Трг Младих 10, 76 100 Брчко Дистрикт Босне и Херцеговине, Централа: 049/216-855, Тел: 049/216-675, Факс: 049/216-779  
Trg Mladih 10, 76 100 Brčko Distrikt Bosne i Hercegovine, Centrala: 049/216-855, Tel: 049/216-675, Fax: 049/216-779

Број: 14-05/5-48- 8696 /12

Дана: 04.07.2012. године

## SAOPŠTENJE ZA JAVNOST

Sa nastupanjem ljetne sezone, kada većina građana napušta svoje domove na određeni period zbog odlaska na godišnje odmоре, u pravilu se bilježi porast imovinskih krivičnih djela provaljivanjem u kuće i stanove. U skladu sa tim u Policiji Brčko distrikta BiH sačinjavaju se planovi poduzimanja mjera i radnji u kojima je u cilju prevencije ovih krivičnih djela predviđen pojačan operativni rad na terenu, kao i i pojačan nadzor i praćenje lica sklonih vršenju ovih krivičnih djela.

Rad policijskih službenika bit će znatno efikasniji ako građani i sami poduzmu određene aktivnosti na zaštiti svoje imovine, odnosno da svojim savjesnim i odgovornim postupanjem umanje rizike nastupanja situacija u kojim bi kriminogena lica, koristeći nepažnju istih, otuđila ili ugrozila imovinu građana.

### **Na bazi dosadašnjih iskustava, našim građanima savjetujemo sljedeće:**

- Uvijek zaključavajte ulazna vrata, bez obzira koliko kratko ćete biti odsutni, a ne zaboravite zatvoriti prozor ili balkonska vrata;
- Ako ste u mogućnosti, pored glavne brave na ulaznim vratima ugradite i jednu dodatnu – pomoćnu bravu;
- Uložak brave postavite tako da dio koji je okrenut ka vani bude ravan sa vratima, tako da ga je nemoguće obuhvatiti kliještima ili drugim podesnim sredstvom i polomiti;
- Ako idete na godišnji odmor, kuću ili stan povjerite na čuvanje licu od povjerenja (bliži rođak, komšija) kome ćete povjeriti ključ od ulaznih vrata i zamolite ga da preko noći pali svjetlo i da češće obilazi;
- Zamolite komšije da, ako čuju buku u vašem stanu odmah pozovu policiju (broj 122), čiji će pripadnici hitno izaći na lice mjesta i utvrditi o čemu se radi;
- Ne spuštajte roletne do kraja na prozorima, jer kriminalci i to prate i donose zaključak da niko ne boravi u stanu ili kući;
- Ako odlazite na duže vrijeme iz stana, ne ostavljajte novac, zlatni nakit i oružje u kući, već ih dajte na čuvanje licu od povjerenja;
- Nikad ne ostavljajte ključ od ulaznih vrata ispod otirača, u papučama, saksijama za cvijeće i drugo, jer kriminalci znaju za ta “skrivena mjesta”;
- Ne pričajte svima da nekuda putujete i ne ostavljajte takve poruke na vratima ili telefonskim sekretaricama;
- Ne ostavljajte pored kuće predmete podobne za savladavanje prepreka kao što su merdevine, sanduci i slično, jer kriminalci to mogu vješto iskoristiti za provalu u vašu kuću ili stan;
- Na porodičnim kućama i stanovima u prizemlju ugradite dodatnu zaštitu na prozorima i drugim većim otvorima.

Šef kabineta-portparol  
Halid Emkić